

Dienelkander



Nuusbrief van die Gereformeerde Kerk Potchefstroom-Oos

WhatsApp: 067 713 2332

Facebook: www.facebook.com/oosdoppers

Intydse erediensuitsendings op YouTube by: Oos-Doppers Potch

Webblad: www.oosdoppers.co.za

Erediens videobank: <http://ow.ly/ivfZ309vsdc>

12 November 2023

09:30 OGGENDEREDIENS:

Ds. Piet Venter

Ons dank die Here vir sy afspraak vanmore met ons in die erediens en met die Nagmaal wat ons saam met Hom mag vier. Lidmate van ander gemeentes wat aansoek gedoen het om saam met ons Nagmaal te vier, word hartlik daartoe uitgenooi.

Daar word in die laaste tyd weer baie gespekuleer oor die Wederkoms. Daar word tevergeefs gesoek na 'n dag en datum en mense beweer dat dit binnekort gaan gebeur. Daar word gepraat oor al die tekens van die tye en wat ons daaruit moet aflei en ook oor alles wat moet gebeur voordat die Here kom.

Die Here gee ons antwoorde op baie van hierdie vrae behalwe oor die dag en datum! Niemand weet nie! Wat vasstaan is die feit dat die Here Jesus weer kom! Dat ons elke dag gereed moet wees en dat ons ons roeping moet vervul tot op die laaste dag!

Die wonderlike genade van die Here lê in die feit dat Hy ons voortdurend aan sy Wederkoms herinner en ons toerus vir ons

taak totdat Hy kom! En dit doen Hy deur die Nagmaal. Die Nagmaal dien as voortdurende herinnering (dink aan jou selfoon se “reminder”-funksie) van sy Wederkoms en die oorwinningsfees wat ons saam met ons Koning gaan geniet! Elke Nagmaal is soos jou selfoon se “reminder” wat afgaan en sê: onthou jy nog dat jy uitgenooi is na die oorwinningsfees van die Lam? Is dit nie 'n wonderlike voortuitsig nie! Hou moed!

Die Here Jesus wil ons voortdurend op sy Wederkoms laat fokus sodat ons met volharding op Hom kan bly wag en ons werk vir Hom kan doen. Deur ons gelowige deelname aan die Nagmaal getuig ons teenoor die wêreld van sy Wederkoms en word ons deur die Here versterk en bemoedig vir elke dag se werk en wag!

Tema: Die Here herinner jou deur die Nagmaal aan die Wederkoms en jou deelname aan die oorwinningsfees van die Lam. Ons Koning versterk jou om tot dan te wag en te werk.

Aanbiddingslied ter voorbereiding van die erediens

Sb 10 - 2: 1 Ons Vader

God en ons ontmoet mekaar

Intreelied: Ps 111 - 2: 1, 2; Votum; Seën; Loflied Sb 1-2: 1, 2, 3; Geloofsbelydenis: 12 Artikels - almal hardop saam

Ons verootmoedig ons voor God

Wet: Eksodus 20; Sing Sb 12 - 6: 1, 2, 3; Gebed

God bedien aan ons sy Woord en ons ontvang dit aktief in geloof

Skriflesing: Lukas 22: 14 - 30

Jesaja 25: 6 - 9

1 Korintiërs 11: 23 - 26

Openbaring 19: 1 - 10

Teksverse: Lukas 22: 14 - 20 en 28 - 30

Woordverkondiging; Sing Ps. 119 - 1: 39

Nagmaalsformulier (verkort), Sing Sb 17 - 3: 1, 2; Bediening van die Nagmaal, Sing aan tafel: Ps 23 - 2: 1, 3

Ons antwoord op die Woordbediening

Gebed; Liefdegawe; Sing Sb 18 - 3: 8, 9 (Mel: eerste mel. van Ps 149); Seën; Amenlied: Sb 13-1.

GROEPBEDIENING

Soos gereël in groepe.

KOM ONS BID SAAM - November 2023

Rom 15:30-32 *“Ek versoek julle dan dringend, in die Naam van ons Here Jesus Christus en op grond van die liefde wat van die Heilige Gees kom: Stry saam met my deur vir my te bid dat God my veilig mag hou tussen al die ongelowiges in Judea en dat my hulp aan Jerusalem aanvaarbaar mag wees vir die gelowiges daar. En as dit die wil van God is, sal ek vol blydschap na julle toe kom om ‘n tydjie by julle te rus”*

Onse Vader,

Help ons leraar(s) en elke ander gemeenteleier (ouderlinge, diakens, kleingroepleiers) of leiers van ‘n bediening, om oorwinnend te wees in die stryd rondom die bediening. Help my en ander in die gemeente om vir hulle te bid. Hou hulle veilig tussen ongelowiges wat hulle minag en laat hulle bediening en diens aanneemlik wees in die gemeente, sodat hulle vol blydschap kan wees en by ons verfrissing vind.

Help ons leraars en ander gemeenteleiers om onberispelik te wees. Help my ook om U voorbeeld na te volg en onberispelik in U oë te wees. **Heb. 13: 7, 17** - God verwag onberispelikheid van alle gelowiges.

Dankie vir nog ‘n geleentheid om as gemeente ‘n Kersmark te mag aanbied. Laat dit heel eerste wees om U Naam te verheerlik in ons bemarking, woorde en dade. Dankie vir elkeen se gawes wat U gee, beplanning en elke gelowige wat sy of haar gawes gaan aanwend tot voordeel van mekaar en die gemeenskap!

Laat U die eer ontvang!

Ons bid saam vir elkeen van U kinders wat geraak word deur die oorlog in Gaza en die Oekraïne en vir wêreldleiers om met wysheid op te tree vir die wêreld, hulle lande en die mense wat hierdeur intens geraak word, hulle wat treur, kwaad is of vergelding soek. Laat ons saam uitroep: Kom Here Jesus, kom gou!

Help ons om elke broer en suster in ons gemeente wat swaar kry weens siekte, ouderdom, eensaamheid of finansiële laste, op te dra in ons gebede aan U sorg en uitkoms, soos wat dit U wil en besluit is! Ons loof U vir U wysheid, almag en ewigheid.

Ons loof en prys U Naam vir U gemeente, Potchefstroom-Oos!

In Jesus se Naam bid ons hierdie gebed, Amen.

MEELEWING

- Riekie Schutte het 'n hele reeks ondersoek in Medikliniek ondergaan en is met 'n maagseer, mantelvliesbreuk en verhoogde artritis gediagnoseer. Sy sterk nou tuis aan.
- Anton Styger het die week nog tuis aangesterk na sy oogoperasies.
- Pieter Lourens is in Unitashospitaal, Centurion, opgeneem vir toetse nadat sy rumatoïede artritis weer sterk opgevlam het en hy baie pyn ervaar. Hy het ook 'n breukoperasie ondergaan.
- Jan Schutte van Ronel gaan Dinsdag vir veloperasies in Klerksdorp.
- Kowie du Plooy se suster is oorlede, die begrafnis was Donderdag in Krugersdorp.
- Ds Daan en Fransie Bakker se kleindogter in Nederland het Donderdag 'n operasie ondergaan om haar milt te verwyder.
- Griet du Preez het geval en 'n ribbetjie gebreek. Sy sterk tuis aan.

Ons bid al hierdie lidmate troos en beterskap toe in hierdie beproewings.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Estette Bredenkamp, Annette Coetsee, Kitty Kruger, Annatjie Duvenage, Bettie Niemand, Annetjie Vermeulen, Mariana du Plessis, Rita Schutte, Hannatjie du Plessis en Andries du Plessis.

BAIE GELUK AAN

- Jan en Marietjie Riekert met die geboorte van hulle babaseuntjie, Hanro. Ons is saam met julle en die trotste ouma en oupa Riekert baie dankbaar.
- Duané du Plessis, wat op die Top 10 van Hoërskool Fochville is en DJ du Plessis,

wat verkies is tot die leerlingraad van Laerskool Fochville.

- Frede-Né Venter is ingesluit in die o/15 Meisies Krieket-span wat die Noordwes Provinsie gaan verteenwoordig tydens die SA Nasionale Krieket-week gedurende Desember. Dit is die 2de agtereenvolgende jaar wat sy vir die Junior Dragons gekies is.

ONS GROET VIR

Hans en Marthie Andersen wat met attestaat na GK Rooihuiskraal verhuis het.

ONS VERWELKOM

Jan-Ernst Oosthuizen wat met attestaat vanaf GK Totiusdal by ons aansluit. Hy woon in Van Eckstr 22, groep 25.

BEDIENINGE VAN HIERDIE WEEK

Vandag

09:00 Gebedsgroep

09:30 Oggenderediens

Tee en koffie

Nagmaalete

16:00 "Griefshare" aan huis van Marianna

Plotz

Groepbediening

Maandag

Stalletjies opslaan

17:00 Diakonie: DB

18:00 Kersmarkkomitee

Dinsdag

06:00 Manne-ondersteuningsgroep

(Afsluiting)

Volgende Sondag

Jeugbedieningsgesprek met ouers na oggenddiens

Gewone aanddiens. Kerssangdiens vind op 26 Nov by GK Potchefstroom Die Bult plaas.

AFKONDIGINGS

- Beide Liefdegawes vandag: Diakonie (Groot boks en klein boks) Zapper-betaalmetode beskikbaar.
- Gawes volgende Sondag by die deure vir ons eie Diakonie.
- Vrywillige bydrae vir voertuigsekuriteit kan in die bussies gegooi word.
- Diensbeurte: Groep 1 en 36.

JEUGBEDIENING 2024: GESPREK MET OUERS OP SONDAG 19 NOV

Die Jeugdiensgroep wil graag op Sondag 19 Nov. na die erediens met al ons ouers praat oor ons planne vir die bediening aan ons jeug vir 2024. Ons wil graag al ons ouers se insae, voorstelle en ondersteuning hê.

VERJAARSDAE

Baie geluk aan almal wat DV hierdie week verjaar!

Sondag, 12 November

Br Nicolaas Erasmus
Sr Santerien Minne
Sr Nicole Smits

Dinsdag, 14 November

Jsr Melandi v Rooyen

Donderdag, 16 November

Sr Susamarie de Villiers *
Br Deon Duvenage
Jbr Ruco v Niekerk

Vrydag, 17 November

Br Roelf v Wyk

Saterdag, 18 November

Jsr Mia J v Rensburg

* Lidmate met spesiale verjaarsdae –
75 jaar en ouer



Moorivier
Kersmark

**KERSMARK:
23 NOVEMBER – 2 DESEMBER**

Oor 1 week begin ons Kersmark. Ons het almal se hulp nodig! Daar is hulplyste in die voorportaal van die Skuur. Kyk asb waar kan jy help en skryf jou naam op!

- Ons benodig veral hulp gedurende die oggend in die restaurant!
- Leen vir ons staanwaaiers asb.
- Ons benodig weer batterye vir ons liggies en sal skenkings baie waardeer!
- Verder vra ons dat almal asb help met bemerking - "like" en "share" ons sosialemedia-advertensies en nou reeds jou kollegas, vriende en familie!

Neem asb Vensterplakkate in die voorportaal van die Skuur en sit dit by jou/vriende se besigheid op.

KERSBEDERF - HIER KAN JY OOK IETS DOEN VIR IEMAND ANDERS

Ons gemeente se Susters gee jaarliks vir ongeveer 25 gesinne in ons gemeente 'n "Bederf-emmer" / "Bederf-boks" voor Kersfees om 'n lekker Kerse te mee voor te berei.

Ons wil graag 'n beroep op kleingroepe en individuele huisgesinne doen om saam te span en items vir so 'n boks/emmer te skenk om sodoende die las bietjie ligter te maak. Vir

een so 'n boks/emmer benodig ons die volgende nie-bederfbare items:

- Pasta
- Mayonaise
- Ingemaakte slaaie
- Jellie en Vla
- Aanmaak-koeldrank
- Koekies of ander lekkernye
- Kitspoeding / kitskoek

Ander items wat 'n Kersfees-ete vir 'n gesin spesiaal sal maak is ook natuurlik welkom - hierdie is maar net 'n riglyn.

Baie dankie dat ons u kan vra om dit met groepbediening / huisbesoeke aan julle groep voor te lê. Laat weet gerus vir Hestie (072 383 9510) of tannie Anna (082 765 9813) indien julle kleingroep / huisgesin hieraan sal deelneem.

KERSSANGDIENS: 26 NOVEMBER 2023

Die Bult-gemeente nooi ons graag uit na die Gesamentlike Kerssangdiens, op Sondag 26 Nov om 18:00, by GK Die Bult. (Let wel: die datum het verskuif van 19 Nov na 26 Nov.)

DIE KERKBLAD

Beskikbaar in die voorportaal van die Skuur vir lidmate wat daarop ingeteken is.

GKSA-NUUS

Beroep bedank

- Ds GP (Gerrie) van Rhyn van GK Komatipoort na GK Heidelberg.

KENNISGEWINGBORD

- President Kruger Kinderhuis soek vakansie-ouers
- Dame opsoek na werk.
- Cachet 2024 Eerstejaarskamp

BAIE DANKIE AAN ONS BORG DIE WEEK!



Potch DRUM SERVICES
DROMDIENSTE

**SLEGS R85 P/MAAND
ONLY R85 P/MONTH**

**TUINVULLIS VERWYDERING
GARDEN REFUSE REMOVAL**

Dienste per week sluit in:

- Leeg maak van drom
- Drie swartsakke
- OF slegs vyf swartsakke (GEEN drom)

PENSIONARISSE

25% afslag!!

Services per week includes

- Emptying of drum
- Three refuse bags
- OR five refuse bags only (NO drum)

PENSIONERS

25% discount!!



MARINUS 071 369 7866



SUSTERS

ROM. 1:16 “EK SKAAM MY NIE OOR DIE EVANGELIE NIE, WANT DIT IS ‘N KRAG VAN GOD TOT REDDING VAN ELKEEN WAT GLO.”

SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die “Zapper App” aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



TEESKINK-GELEENTHEID



Koffie, tee en koeldrank vandag in die Skuur na die oggenddiens.
Baie dankie aan groepsusters en hul groepe wat vandag hiermee help:
Marlise Styger en groep 8, Groep 17, Riekie Storm en groep 26, asook Hannie Niemand en groep 34.

BLIKKIES-WARMHARTE & SUSTERSBYDRAE

- Die doel van die blikkies (wat jy in die voorportaal van die kerk kan kry) is dat almal hulle lastige kleingeld in ‘n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.
- Die susters se fondse word uit elke suster se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis ‘n bydrae vir hierdie werk gee.

BAIE DANKIE

Baie dankie, Nicolette en die susters van blok D, vir ‘n heerlike bederf-ete vandag!



Oosdoppertjie-Jeugbediening

1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadje ons kinders sal laat groei in hul geloof en verhouding met ons Here.

2. Bediening vir voorskoolse jeug tydens eredienste

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening is welkom om Marlise te kontak.

Kontakpersoon: Marlise Styger (marlise.venter@gmail.com of 083 655 8145)

ALGEMENE INLIGTING



LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Ds. Daan Bakker - 082 829 8456

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

BANKBESONDERHEDE

Geref. Kerk Potchefstroom-Oos
ABSA Bank
Tjekrek: 670 340 066
Takkode: 632-005

Diakonie
ABSA Bank
Tjekrek: 670 280 160
Takkode: 632-005

Susters
Capitec Bank
Spaarrek: 145 652 5695
Takkode: 470-010

GEMEENTEKAMP 2023

ONTHOU OM JOU PLEK TE BESPREEK VIR HIERDIE HEERLIKE GELEENTHEID!

KONTAK MARLISE STYGER: 083 655 8145

**OOS
DOPPERS**



GEMEENTEKAMP

**KOM KAMP AS GEMEENTE
LEKKER SAAM OM DIE
KAMPVUUR**

**8 - 10
DESEMBER
2023**

**RIETSPRUITDAM ONTSPANNINGSOORD | VENTERSDORP |
60 KM VANAF POTCHEFSTROOM**

Kampeer staanplekke beskikbaar @ R200 per gesin vir die naweek

3 x Hutte beskikbaar @R1500 vir die naweek vir 4 persone

Indien jy belangstel, kontak Marlise Styger by 083 655 8145

